



FUDBALSKI KLUB SLOBODA

Rudarska 2, 75000 Tuzla, Bosna i Hercegovina

Tel: + 387 35 258 058 Email: info@fksloboda.ba Website: http://www.fksloboda.ba

MI VJERUJEMO DA JE KOLEKTIV
JACI OD BILO KOJEG INDIVIDUALCA
MI IGRAMO SVAKU UTAKMICU
KAO DA NAM JE ZADNJA
MI SE PONOSIMO SVOJIM
SPORTSKIM DUHOM
MI SMATRAMO DA SVAKO
ZASLUZUJE ŠANSU
MI SMO VJERNI KLUBU PRIJE
I POSLIJE ZADNJEG ZVIZDUKA
MI POSTUJEMO SVAKOG,
A NE BOJIMO SE NIKOG
**MI SMO
FK SLOBODA**

S A O P Š T E N J E

ZA JAVNOST

Želimo ovim putem da upoznamo sve zainteresovane strane, a posebno simpatizere **FK SLOBODA**, da je planirana objava **01.04.2020** kvartalnog izvještaja o poslovanju kluba, koji bi uključivao i sve poduzete radnje vezano za aktuelno licenciranje kao sastavnog dijela funkcioniranja kluba. Međutim, zbog opravdanih okolnosti, procjena Upravnog odbora je da trenutna situacija zahtjeva drugačiji pristup od planiranog.

Kao što je poznato, situacija prilikom preuzimanja kluba je bila izuzetno teška, ali je ipak postojao kratkoročni i dugoročni plan za finansijsku stabilizaciju kluba. Plan je uključivao restrukturiranje kluba što je i urađeno na zadnjoj skupštini, gdje je usvojen novi Statut i omogućeno pravnim i fizičkim licima da aktivno participiraju u strukturama kluba. Također, planiran je i realizovan dogovor i reprogram sa povjeriocima kluba kao i deblokada svih računa za nesmetano funkcioniranje. Bitno je napomenuti da je u proteklih 4 mjeseca u klub ušlo **preko 1 milion KM** kapitala i da je uz pomoć tih sredstava kao i drugim pravnim aktivnostima, ukupni akumulirani dug smanjen za **2.8 miliona KM**. Važno je istaknuti da **FK SLOBODA**, zaključno sa mjesecom februarom 2020., nema neizmirenih poreskih obaveza i prvi put su se, nakon dugo vremena, stekli uslovi da **FK SLOBODA** aplicira za licencu sa velikom šansom da je dobije na prvostepnoj komisiji. Sve je ovo trebalo rezultirati da, nakon ljetnog prelaznog roka, sva ranija dugovanja prema uposlenicima se izmire, a sa ulaskom u **2021. godinu** i sva ostala dugovanja se anuliraju, čime bi se stekli uslovi da u sezonu **2021/2022 FK SLOBODA** uđe konkurentna i bude jedna od pretedenata za gornji dio tabele.

Sve ove mjere su urađene i planirane da se finansiraju iz više izvora kao što i većina klubova radi, a to je: uplatama skupštinskih mjesta, sponzorstvima, realizacijom prelaznog roka i tekućim financiranjem iz budžeta grada Tuzle.

Međutim, nakon nepredviđenih dešavanja koja pored zdravstvenih nose sa sobom i ogromne ekonomske posljedice, planirani prihodi se neće moći ostvariti. Dogovorena sponzorstva za sljedeću sezonu kao i ispregovarani transferi za pojedine igrače su otkazani ili stavljeni na čekanje. Program "**Prijatelji FK SLOBODA**" je trenutno



FUDBALSKI KLUB SLOBODA

Rudarska 2, 75000 Tuzla, Bosna i Hercegovina

Tel: + 387 35 258 058 Email: info@fksloboda.ba Website: http://www.fksloboda.ba

MI VJERUJEMO DA JE KOLEKTIV
JACI OD BILO KOJEG INDIVIDUALCA
MI IGRAMO SVAKU UTAKMICU
KAO DA NAM JE ZADNJA
MI SE PONOSIMO SVOJIM
SPORTSKIM DUHOM
MI SMATRAMO DA SVAKO
ZASLUZUJE ŠANSU
MI SMO VJERNI KLUBU PRILJE
I POSLUJE ZADNJEK ZVIZDUKA
MI POSTUJEMO SVAKOG,
A NE BOJIMO SE NIKOG
**MI SMO
FK SLOBODA**

suspendovan zbog nemogućnosti preko **95% privrednih subjekata** da izvrše svoje obaveze. Finansiranje iz gradskog budžeta je također otežano iz opravdanih razloga što zbog potrebe prioritetnijih resora ili neizvjesnosti realizacije budžeta.

Očekivati od viših nivoa vlasti da će u narednom periodu imati prostora za veću finansijsku pomoć fudbalskim klubovima, pored ogromnih problema u cijeloj privredi, je neopravdano. Također, nerealno je očekivati i da NFSBIH bude u mogućnosti finansijski pomoći klubovima u tolikoj mjeri.

Zbog navedenih razloga, svaki nastavak funkcioniranja kluba sa postojećim budžetom bi samo stvarao dodatne dugove i to **cca 900 000 KM** u narednih 4 mjeseca, koje ne bi smo bili u stanju isplaćivati, a posebno uzimajući u obzir da klub neće imati nikakvih prihoda **najmanje narednih 90 dana**.

Zato u cilju prevazilaženja novonastale situacije kao i stvaranja preduslova da bi kolektiv **FK SLOBODA** imao šanse da, nakon što uslovi dozvole, nastavi sa nesmetanim radom i obavljanjem svoje primarne djelatnosti, Upravni odbor donosi sljedeći set mjera:

- uposlenici i igrači u strukturama **FK SLOBODA** će imati primanja u zakonskim propisanim okvirima minimalnog ličnog dohotka
- sve dogovorene otplate sa povjericima će se suspendovati na minimalno **120 dana** i isti će biti zvanično obavješteni pismenim putem
- uputiti će se molba ispostavama poreznih ureda, a uzimajući u obzir da **FK SLOBODA** uredno izmiruje svoje obaveze, da se odgodi uplata direktnih i indirektnih poreza na period od **90 dana**
- uputiti će se molba **NFSBIH** da prilikom odlučivanja o licenciranju, iako će izvještaji koji su poslani biti u velikoj mjeri pozitivni za prethodni period, ipak uzmu u obzir novonastale okolnosti i klubovima dozvole period od **12 mjeseci** da izmire prethodne i nastale obaveze.

Mi smo svjesni svih negativnih konotacija koje ovo za sobom nosi. Također, svjesni smo da ćemo postati predmet mnogobrojnih kritika i vjerovatno sudskih postupaka, ali u ovim okolnostima je ovo jedino racionalno rješenje.



FUDBALSKI KLUB SLOBODA

Rudarska 2, 75000 Tuzla, Bosna i Hercegovina

Tel: + 387 35 258 058 Email: info@fksloboda.ba Website: <http://www.fksloboda.ba>

MI VIERJEMO DA JE KOLEKTIV
JACI OD BILO KOJEG INDIVIDUALCA
MI IGRAMO SVAKU UTAKMICU
KAO DA NAM JE ZADNJA
MI SE PONOŠIMO SVOJIM
SPORTSKIM DUHOM
MI SMATRAMO DA SVAKO
ZASLUŽUJE ŠANSU
MI SMO VIERNI KLUBU PRIJE
I POSLIJE ZADNJEG ZVIZDUKA
MI POSTUJEMO SVAKOG,
A NE BOJIMO SE NIKOG
**MI SMO
FK SLOBODA**

Nažalost, čak i pored svega urađenog i dobronamjernog pristupa od strane novog rukovodstva, dešava se da pojedini bivši uposlenici, treneri i igrači u protekle 2 sedmice u jeku zdravstvene krize podnose prijave pred NFSBIH, iako nisu prije pokušali postići dogovor sa klubom. Većina tih prijava su neosnovane i biti će odbačene, ali smatramo da javnost mora biti upoznata da čak i u ovim okolnostima pojedinci pokušavaju da iskoriste situaciju.

Nakon svega, želimo da poručimo da će **FK SLOBODA** kao i uvijek do sada prebroditi probleme koje su postavljene pred nju i da će nastaviti funkcionirati i dalje. U kojem statusu i u kakvim okolnostima, to je nešto što ćemo vidjeti u bliskoj budućnosti.

Na kraju apelujemo na sve građane da vode računa o sebi i svome zdravlju, da ostanu kod kuće i da paze na zdravlje svojih bližnjih.

Tuzla, 31.03.2020

Upravni odbor